

PENGHARGAAN.

الحمد لله رب العالمين والصلوة والسلام على سيدنا
محمد خاتم المرسلين وعلى آله وصحبه أجمعين .

Pertamanya penulis mengucapkan kesyukuran ke hadrat Allah s.w.t. kerana dengan limpah kurnianya, Rahmat dan Taufik dan HidayatNya telah memberikan kekuatan , keazaman dan kemudahan kepada diri penulis di dalam rangka menyiapkan sebuah penulisan ilmiah sebagai memenuhi syarat untuk mendapatkan Ijazah Sarjana Muda Syariah dengan Kepujian.

Seterusnya setinggi-tinggi penghargaan dan ucapan terima kasih dirakamkan buat semua tenaga pengajar yang telah mendidik dan mencurahkan ilmu pengetahuan yang tiada nilainya kepada diri penulis. Dan penulis menyerahkan segala-galanya kepada Allah untuk membalas jasa baik mereka selama ini.

Di kesempatan ini juga penulis ingin mengucapkan ribuan terima kasih kepada Ustazah Paizah bt. Hj. Ismail yang bertindak selaku penyelia dalam menjayakan penulisan Ilmiah ini. Segala tunjuk ajar dan bimbingan yang beliau berikan moga-moga mendapat ganjaran di sisi Allah s.w.t.

Penulis juga ingin merakamkan penghargaan yang tidak terhingga buat keluarga tersayang terutamanya kepada kedua ibubapa dan juga bakal teman hidup penulis yang banyak memberikan perangsang, dorongan dan semangat sepanjang Penulisan Ilmiah ini dijalankan.

Di dalam ruangan yang sedikit ini juga penulis ingin mengucapkan ucapan ribuan terima kasih kepada semua sahabat perjuangan yang banyak membantu penulis di dalam menjayakan Penulisan Ilmiah ini, terutamanya kepada penghuni rumah At Tariq dan juga kepada Saudara Shahini Puteh yang banyak memberikan tunjuk ajar kepada penulis untuk menggunakan peralatan komputer.

Untuk akhirnya penulis mengharapkan semoga kajian ini dapat memberikan manfaat kepada semua pembaca. Penulis juga mengharapkan agar penulisan ini dapat memberikan kefahaman kepada semua pembaca.

Wassalam.

Salam Ikhlas,

Amir Husin Bin Mohd.Nor.

F140, Jalan Pantai,

36100, Egan Datoh,

Perak Darul Ridzuan.

ABSTRAK

Penulisan Ilmiah ini adalah merupakan satu kajian perbandingan di antara undang-undang jenayah Islam dan juga undang jenayah Malaysia berhubung dengan tajuk perbuatan jahat atau actus reus.

Kajian ini telah dibahagikan kepada tiga fasal. Fasal pertama adalah menyentuh tentang konsep perbuatan jahat itu sendiri. Ianya meliputi definasi jenayah, perbuatan jahat, asas-asas penentuan sesuatu itu sebagai jenayah. Seterusnya diutarakan kesimpulan berikutan pembentangan data berhubung dengan kedua-dua undang-undang tadi.

Fasal Kedua pula membincangkan perkara berhubung dengan bahagian-bahagian di dalam perbuatan jahat. Perbincangan tertumpu kepada perbuatan yang didasarkan kepada ksempurnaan dan juga cubaan melakukan jenayah merangkumi kedua-dua undang-undang jenayah Islam dan juga undang-undang jenayah Malaysia.

Seterusnya di dalam Fasal Ketiga pula, perbincangan adalah tertumpu kepada bentuk-bentuk perbuatan jahat yang

lebih ditumpukan kepada soal perbuatan jahat yang dilakukan oleh sekumpulan penjenayah.

Dan akhir sekali ialah bahagian penutup yang merupakan bahagian kesimpulan bagi seluruh fasal yang telah diperbincangkan.